

# Payí Jono eaŋí yoparínarini.

Payí rina yoparí Jono eaŋínarini. O xewaniŋoyá yoí miriní Jisasoyá siyikí imóniŋíáyo wipeŋweaŋáoniyi niriniri ŋwiráriŋiniginí. Ámá Jono nuriri payí eaŋo xegí yoí Gaiasorini. Jisaso rixa aŋŋnami nipeyimáná xwiogwí aga obaxí niŋwémáná eŋáná Jono niŋweaŋisáná rixa xweyaŋí neri aŋí yoí Epesasiyo niŋweámáná payí rina eaŋiniginí

<sup>1</sup> Jisasoyá siyikí imóniŋíáyo wipeŋweaariŋáoni gí diŋí sixí riyiŋá Gaiasoxi náni payí rina eaariŋini. Joxi nepa diŋí sixí riyiŋini. <sup>2</sup>Gí diŋí sixí riyiŋáoxini, Gorixomi joxi náni ripi yariŋí riwiariŋárini, “O Jisasomi pírániŋí nixídiri náni xegí diŋí naŋí imóniŋípi tni xixeni Gorixoxiniyá diŋíyo dání naŋí imóniŋípiní wímeari wará iniri éwiniŋini.” yariŋí e riwiariŋárini. <sup>3</sup>Negí nixímeáyí wí joxi náni áwaŋí re níréméáagía, “O nepaxiŋí imóniŋípi —Jisaso nearéwapiyiŋípi náni rariŋini. Api nixídiri neríná yapi bi mineaiepiŋí api tni xixeni yarini. Nepaxiŋí imóniŋípi neríná axípi pírániŋí xídarini.” Áwaŋí e nirariŋagía aría niwiri náni nioni yayí seáyimi dání niniŋíriní. <sup>4</sup>“Dixí niaíwí imóniŋíáyí xwiyíá nepaxiŋí imóniŋípi íá nixiriŋo xixeni xídariŋoi.” rariŋagía aría niwiríná yayí seáyimi dání ninariŋípi amipí wí náni yayí ninariŋípi api tni xixeni mimónini.

**“Nirixímeáyo arirá wiariŋípa sini axípi niwia úirixini.” uriŋí nánirini.**

<sup>5</sup>Gí diŋí sixí riyiŋáoxini, joxi negí nixímeáyo arirá niwiríná úrapí bi miwikári diŋí riŋwiráripaxípi wíwapiyariŋírini. Nirixímeá joxi sini siŋwí miwiniŋí aí xegí bi maríái, axípiní wiariŋíriní. <sup>6</sup>Ámá ayí joxi diŋí sixí nuyiri arirá wiariŋípi náni Jisasoyá siyikí imóniŋwá re ŋweaŋwaéne rixa áwaŋí neariŋíawixini. Joxi Gorixomi pírániŋí nixídiríná epaxípi tni xixeni neri óf e náni arirá niwiri niwiowáriríná yariŋípi naŋí yariŋini. <sup>7</sup>Ayí ripi náni “Arirá wíirixini.” rirariŋini. Ámá ayí yoí Jisasi Kiraisoyá émá imóniŋíáyo wáí urimeaniŋo nuróná “Wáí nurirane aí wigí amipí ourápaneyi.” niyaiwiro amipí bi murápi yariŋíá eŋagi náni rirariŋini. <sup>8</sup>Ayináni Gorixomi diŋí wíkwíroŋwaéne xwiyíá nepaxiŋí imóniŋípi niriŋa eméwiniŋiniri ayo arirá wíwaniginí.

**“Sipí yariǵíáyo ikaniǵí miwixáǵidipani.” urinǵí nánirini.**

<sup>9</sup>Nioni wáí rimeariǵíá ayí náni Jisasoyá siyikí imónigíá e ǵweagiǵáyiné áwanǵí oseariminiri náni payí bi neari seawirénapíagi aiwi segí áamá wo, Daiotirepisoyi riniǵo —O “Nioni seáyi e wimóniǵáná wíniyí ínimi onurínípoi.” wimónariǵorini. O xwiyáá none urariǵwá bi aríá neaiariǵímani. <sup>10</sup>Ayináni nioni seyiné tíǵí e náni nibiri amipí o yariǵíyí náni waropáí seaimíarini. O mǵkí wí meǵagi aiwi none náni ikayíwí rimeariǵíri. “E neríná apáni yariǵíni.” miyaiwí none rariǵwápi níwiaíkiiri nírixímeá segí tíámíni bíáyo mumíminipa yariǵíri. Wíniyí wigí aǵíyo náni nipemeámi waníro yariǵagiá níwiniríná pírí urakiariǵíri. Apini mé e yariǵíáyo Jisasoyá siyikí imónigíáyiné awi eánariǵe dáni mimixeámí yariǵíri. <sup>11</sup>Gí diǵí sixí riyiǵáoxini, áamá naǵí yariǵíáyí Gorixo timeaǵíyíniǵí imóniǵoi. E neri aí sipí yariǵíáyí Gorixomi sini siǵwí mí miwómixigíáyíri. Ayináni joxi sipí imóniǵípimi ikaniǵí miwixáǵidipa neri naǵípimíni ikaniǵí wixáǵírixini.

<sup>12</sup>Demitiriaso náni áamá níni “Naǵorini.” rariǵíorini. Xewaniǵo xwiyáá nepaxiǵí imóniǵípi níxídiríná neriǵípimi dáni eni “Nioni áamá naǵonirini.” níriiri siwániǵí neainariǵorini. None eni “Naǵorini.” urariǵwáorini. Xwiyáá none rariǵwápi nepa imónini. Joxi níǵá e imóniǵagi náni rariǵíni.

<sup>13</sup>Joxi náni “Payí oeámíni.” níyaiwiríná ríwamiǵí obaxí ayá wí eapaxí aiwi “Nipini níriiri payí rinami oeámíni.” minimónarini. <sup>14-15</sup>E neri aiwi “Nioni sini mé nibiri nisímeámáná axí e dáni xwiyáá rínaníwírini.” níyaiwiri diǵí ikwímoǵini. Joxi píráníǵí oriwayirónini. Nikumixiniri emeariǵwáyí re dáni yayí seawirénapariǵoi. Joxi tíni níikumixiniri emearigíáyo e dáni womini womini yayí níwiéra úirixini.